

Nunat Aqqinik Aalajangiisartut marsip tallimaanni arfernannilu 2008-mi  
Oqaasileriffimmi ataatsimiinnerat

**Marsip tallimaanni peqataasut.:** Carl Chr. Olsen, Tukummeq Qaavigaq, Stephen Heilmann.

Allatsit: Lisathe Møller Kruse aamma Amalia Egede.

Peqataangilaq: - Karl Elias Olsen. Nuummiinnginnini pissutigalugu.  
- Abia Abelsen. Allanik suliassaqaarnini pissutigalugu.

**Marsip arfernanni peqataasut.:** Carl Chr. Olsen, Tukummeq Qaavigaq, Stephen Heilmann.

Allatsi: Lisathe Møller Kruse.

Peqataangillat: - Karl Elias Olsen. Nuummiinnginnini pissutigalugu.  
- Abia Abelsen. Allanik suliassaqaarnini pissutigalugu.

## Oqaluuserisassat:


1. Tikilluaqqusineq
2. Imaqarniliap akuerisassatut saqqummiunnera
3. Aatsitassanut Ikummatissanullu Pisortaqaarfimmiit suliakkiissutit

b. Jane Rusbjerg No. 2008/31

No. 2008/32

c. Ole Fjordgaard No. 2008/28

4. Immap assingani 1350-miittut, tassa nunat aqqi Kangerluarsorutsimiittut nalunaarsugaatigineqareersut sulilu nalunaarsugaatigineqanngitsut nalunaarsorneqaqqammersulli misissoriallugit akueralugit aalajangiivigisassanngortinnerat
5. Maniitsup kommuniani nunat aqqi nalunaarsugaatiginikuunngisatta nunat aqqinik ilisimasalinnit Maniitsormiunit Lisathe suleqatigalugu nalunaarsorneqaqqammersut akuerisassanngortinneqarnerat. (Nunat aqqi nalunaarsorneqaqqammersut 1100-nit amerlanerusut pineqarput, taakkulu ilaliussamiipput).
6. Taasariaqartut allat



- **1. pillugu** -

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

- **2. pillugu** -

Februaarip 27-anni Nunat Aqqinik Aalajangiisartut ataatsimiinneranni imaqaarniliaq naqqiissuteqartoqareerneratigut akuerineqarpoq.

- **3. pillugu** -

Aatsitassanut Ikummatissanullu Pisortaqarfimmiit suliakkiissutaasut ataaniittut ima taaguuteqartussatut NAA-kkormiunit aalajangiunneqarput:

a. No.2008/31	Apusineq
b. No.2008_32	Ujuaat
c. No. 2008/28	Qooqqut


- **4. pillugu** -

Nunat aqqi nalunaarsugaareersut immap assingani 1350-meereersut, tassa Kangerluarsorutsimiittut Kort- og Matrikelstyrelsenimit Excel programimut nuunneqarsimasut Nunat Aqqinik Aalajangiisartunit misissorneqarput. Nunallu aqqi eqqortut naqqiissutillu NAA-kkormiunit oqaluuserineqareerlutik piareerneqarput.

Nunat aqqi pineqartut bilagini excel-filiusuni imatut atilinniipput: søkort 1350\_Kangerluarsoruseq.xls.

Nunat aqqi Kangerluarsorutsimiittut eqqaaniittulluunniit Nunat Aqqinik Aalajangiisartunit nalunaarsugaatigineqariinngitsut nalunaarsorlaat nunat aqqinik ilisimannittut Lisathe peqatigalugu suleqatigineqartut tassaapput; Aalipaaraq Poulsen nunaqarfikumi Nuup kujataaniittumi Narsaq-mi peroriartorsimasoq, aamma Finn Frederiksen ilaatigut Kangerluarsorutsimi meeraasimasoq.

Qallunaatut nunap ateqareersut kalaallisut atiinik nalunaarsugaatigilikkavut Nunallu Aqqinik Aalajangiisartut aalajangiussaak makkuupput: *Fugleø* Qeqertarsuaq-mik, *Sydhavnen* Qasigiaqarfia-nik, *Vardehavnen* Inussussuup Umiatsialivia-nik, *Knausen* Qaqqaq-mik, *Rota Havn* Qaqqap Tunua-nik, kiisalu *Søndre Tvillingø* Siggartartulik-mik ateqartutut aalajangiivigineqartut.



Nunat aqqi Kangerluarsorutsimiittut nalunaarsorlaatut aalajangiivigineqartut ukuupput: Utoqqarsuakkuq (*vig*), I'i iikkut (*vig*), Kangaannguaq (*kyst*), Nalluffiup Timaa (*sund*), Qeqertakasik ( $\emptyset$ ), Kangerluarsorutsip Timaa (*landa*), Taseraasarsuaq (*indsø*), Ikkarluusarsuaq ( $\emptyset$ ), Saattut Kujalii (*øer*), kiisalu Inussussuaq (*næs*). Taakkulu bilagimi word filiusumi imatut aamma atilimmiipput: Nye autoriserede stednavne ved Kangerluarsoruseq.doc.

### - 5. pillugu -

Nunat Aqqinik Aalajangiisartut ataatsimiinneranni Maniitsup kommuniani nunat aqqi nalunaarsorlaat aalajangiivigisassaattut saqqummiunneqarput.


Februaarimi 2008-mi Lisathe nunat aqqinik ilisimasalinnik Maniitsup kommunianeersunik Maniitsumiinnermini suleqateqarpoq, Kangaamiormiunik suleqateqarnissarigaluaq pinngitsoorpoq. Lisathep Maniitsumiinnermini nunat aqqinik nalunaarsueqatigisai ukuupput: Søren Møller (*Appamiut eqqaa*), Johannes Rosing (*Maniitsup eqqaa*), Jens Rosing (*Maniitsup eqqaa*), Karl Asser Møller (*Maniitsup eqqaa*), Mikael Poulsen (*Kangerluarsuup eqqaa*), Peter Nikodemussen (*Napasup eqqaa*), kiisalu Aron Haggæussen (*Atammiup eqqaa*).

Taakkulu suleqatiginerisigut Lisathe nunat aqqinik nalunaarsorlaanik sumiiffimmikkut allanneqarnermikkullu allannguuteqartut ilanngullugit 1245-nik nalunaarsugaqarpoq. Taakkulu nunat aqqi ilaat 77-it februaarip 27-anni 2008-mi aalajangiunneqarput. Sinneruttut tamangajammik Nunat Aqqinik Aalajangiisartunit ullormi ataatsimiiffimmi akuerineqarlutik aalajangiunneqarput, tassa nunat aqqi Maniitsup kommunianiittut 1.163-it aalajangersarneqarlutik.

Nalornissutilli tallimaasut suli akueralugit aalajangiivigineqanngillat, ukuusut: Puullaarsiorfik (Peter Nikodemussen), Inussukoq (MP) + Ammaat Nuuat (Jens Rosing), Qersaq (Jens Rosing), 2 x Qorlortoq (Karl Asser Møller.)

Maniitsup kommunianiittut nunat aqqi nalunaarsorlaat allannguuteqartullu aalajangiivigineqartut saniatigut ataatsimiinnermi CCO-p ilannguppai: 1) nunap aqqa Umiivimmiiittoq Isuitsup Kuua-nik nalunaarsimasooq Isuissoq-mik ateqavikkaluartoq, aamma Maniitsup kujaliani qeqertap ateqavissooq Qilak Isigigaa. Tamatuma kingorna CCO-p Robert Petersen Nuummiinnerani aperereermagu, CCO-p ataatsimeeqataasullu aqqit taakku Robert Petersenimit uppersarsineqarpata akuerineqarumaartut aalajangiiummatigik taamatut aalajangiivigineqartutut nalunaarutigineqassapput

Nunat aterpassui aalajangersarneqartut bilagini exel-filiusuni imatut atilinniipput: 5. + 6. marts 2008\_Nunat aqqi Maniitsumeersut akuerisat.doc.



- **6. pillugu** -

Taasariaqartunik allanik peqataasut oqaatigisassaqaanngillat.

-----

Carl Chr. Olsen  
Siulittaasoq

Lisathe M. Kruse  
Allatsi